

LA USC DI LADINS – VENERDI' 11 OTTOBRE 2019

TERITORIE

Benvegnui te l'Euregio!

La Jonta de la Provincia de Trent à aproà la lista di scartabie de azess al teritorie de l'Euregio per ge dèr l benvegnù ai ghesc foresc. I vegnarà metui ence sun Sèn Pelegrin e sun Pordoi

Smaorèr la percezion de l'Euregio anter la popolazion di trei teritories e anter chi che, per motives de lurier o de turism, i lo vijita.

L'è chest l'obietif di scartabie con la scrites »Benvegnui« e »Stajé



La tabela con la scritta de benvegnù per ladin, todesch e talian.

ben« per talian, todesch e apontin ladin che i vegnarà metui sui confins defora da l'Euroregion per ge dèr azet ai ghesc che vegnarà tel Trentin, tel Sudtirol o tel Tirol.

La tabeles sarà metudes sui jouves statai e regionai, en particulèr sul teritorie del Sudtirol e del Trentin sui jouves envers l Venet e più avisa sun Pordoi e sun Sèn Pelegrin, envers la Lombardia e la Svizra e te chel



La tabeles te trei lengac vegnarà metudes ence sun Pordoi e sun Sèn Pelegrin.

del Tirol envers Germania, Svizra e i Länder austriacs del Vorarlberg, Salzburgh e Carinzia.

En jebia ai 19 de setember la Jonta provinzièla à aproà la lista di lesc e de la strèdes de azess al teritorie

provinzièl olache cognarà vegnir metù la tabeles: i sarà 16 i scartabie che i segnalarà tel Trentin l confin con l'Euroregion.